



Poučit ću te riječima koje me je naučio Allahov Poslanik, sallallahu alejhi ve sellem, kada bi imao duga koliki je dunjaluk Allah bi ga uklonio od tebe. Reci: "Allahumme ikfini bi halalike an haramike ve agnini bi fadlike an men sivake." / "Allahu moj, učini mi dovoljnim ono što je dozvoljeno (halal) da ne posegnem za onim što nije dozvoljeno (haramom), i učini me Svojom dobrotom neovisnim od bilo koga drugog osim Tebe."

Prenosi Alija, radijallahu anhu, da mu je došao rob kojem je njegov vlasnik odredio iznos kojim će otkupiti svoju slobodu i rekao mu: "Ja nisam u mogućnosti da se otkupim pa mi pomozite.", na to mu Alija reče: "Poučit ću te riječima koje me je naučio Allahov Poslanik, sallallahu alejhi ve sellem, kada bi imao duga koliki je brdo Allah bi ga uklonio od tebe. Reci: "Allahumme ikfini bi halalike 'an haramike ve agnini bi fadlike 'an men sivake." / "Allahu moj, učini mi dovoljnim ono što je dozvoljeno (halal) da ne posegnem za onim što je zabranjeno (haramom), i učini me Svojom dobrotom neovisnim od bilo koga drugog osim Tebe."

[Hadis je hasen (dobar)] [Hadis bilježi Tirmizi - Hadis bilježi imam Ahmed]

Došao je kod Alije, radijallahu anhu, mukateb-rob kojem je njegov vlasnik odredio iznos kojim će kupiti svoju slobodu, i taj se iznos plaća na rate. On se požalio Aliji, radijallahu 'anhu, da nije u mogućnosti da isplati taj novac i zatražio od njega da mu pomogne u tome, a Alija, radijallahu anhu, ga upućuje na nešto bolje od toga. To je dova koju ga je naučio Allahov Poslanik, sallallahu alejhi ve sellem, ko je izgovori iskreno iz srca Allah, subhanehu ve teala, će mu otkloniti od njega taj dug pa čak i ako bi bio velik poput brda. Kazao mu je: Reci: "Allahumme ikfini bi halalike 'an haramike ve agnini bi fadlike 'an men sivake." / "Allahu moj, učini mi dovoljnim ono što je dozvoljeno (halal) da ne posegnem za onim što je zabranjeno (haramom), i učini me Svojom dobrotom neovisnim od svakog mimo Tebe."

النجاة الخيرية
ALNAJAT CHARITY

